

Na osnovu člana 25. Statuta općine Zavidovići ("Službeni glasnik općine Zavidovići", broj 5/08 i 5/a/08) Općinsko vijeće Zavidovići na 26.sjednici održanoj dana 07.09.2010.godine, donijelo je

## **O D L U K U**

### **o davanju saglasnosti na korištenje poslovne prostorije u vlasništvu općine Zavidovići**

#### **Član 1.**

Udruženju građana «Organizacija ratnih vojnih invalida Zavidovići 92», daje se na korištenje poslovna prostorija- kancelarija broj 41 površine 22,87 m<sup>2</sup>, koja se nalazi u prizemlju zgrade zv. «Stara općina», izgrađene na k.č. 1130/1 zv. «Novo naselje» kuća-zgrada površine 2181 m<sup>2</sup>, dvorište površine 8706 m<sup>2</sup>, upisana u P.L. 232 K.O. Zavidovići kao DRSV Općina Zavidovići

Poslovna prostorija se daje uz zajedničko pravo korištenja hodnika i sanitarnog čvora sa ostalim korisnicima drugih poslovnih prostorija u istoj zgradi.

#### **Član 2.**

Poslovna prostorija iz člana 1. ove odluke daje se na korištenje za potrebe rada udruženja, bez naknade, na period od 5 godina.

#### **Član 3.**

Ovlašćuje se Općinski načelnik da u ime Općine Zavidovići zaključi ugovor o korištenju poslovne prostorije iz člana 1. ove odluke kojim će se bliže odrediti prava i obaveze između vlasnika i korisnika poslovne prostorije.

#### **Član 4.**

Ovom odlukom se stavlja van snage Odluka o davanju saglasnosti korištenja poslovne prostorije u vlasništvu općine Zavidovići broj 01-23-5718/08 od 30.12.2008. godine.

#### **Član 5.**

Ova odluka stupa na snagu danom donošenja i bit će objavljena u „Službenom glasniku općine Zavidovići“.

OPĆINA ZAVIDOVIĆI  
- OPĆINSKO VIJEĆE -

Broj: 01-23-3087/10  
Dana, 07.09.2010.godine

PREDSJEDAVAJUĆI  
OPĆINSKOG VIJEĆA

ing.Radosav Petrović, s.r.

(M.P.)

## O b r a z l o ž e n j e

Pravni osnov:

Pravni osnov ove odluke je član 25. tačka 7. Statuta općine Zavidovići koji glasi:  
« Općinsko vijeće u okviru svoje nadležnosti :  
7. donosi odluke o upravljanju i raspolaganju imovinom Općine;»

Razlozi donošenja:

UG «Organizacija ratnih vojnih invalida Zavidovići 92» obratila se Općinskom vijeću Zavidovići sa zahtjevom za dodjelu prostorije u prizemlju zgrade zv. «Stara općina» za potrebe rada udruženja.

Kako je Narodna bošnjačka stranka, Općinski odbor Zavidovići, svojim dopisom obavijestili općinu da više ne koriste kancelariju bliže opisanu u članu 1. ove odluke, a koja im je bila dodijeljena odlukom Općinskog vijeća broj 01-23-5718/08 od 30.12.2008. godine, to su se stvorili uslovi da se ista kancelarija ustupi na korištenje UG «Organizacija ratnih vojnih invalida Zavidovići 92».

Imajući u vidu naprijed navedeno, predlaže se Općinskom vijeću kao nadležnom organu za donošenje akata o raspolaganju imovinom u vlasništvu općine, usvajanje odluke u predloženom tekstu.

OPĆINSKI NAČELNIK

Hakija Osmić, dipl.ecc.